



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 122. Sessio XLIII. Decreta circa reformationem Ecclesiæ.

[urn:nbn:de:hbz:466:1-66272](#)

Sæcul. XV.

A. C. 1418.

§. CXXII.

*Sessio XLIII. Decreta circa reformationem Ecclesiæ.**Labbe Conc.*
tom. 12. p.
253.

Cum Pontifex Synodi finem exoptaret,
 die vigesima prima Martii Sessio-
 nem XLIII celebravit, cui ipsus præfuit,
 absente tamen Imperatore. Missa per
 Cardinalem S. Marci decantata, quæ-
 dam Decreta de reformatione publicata
 fuere. Primum tangit exemptiones, in-
 ter quas Papa revocat omnes a morte
 Gregorii XI absque Ordinariorum con-
 fenu, & incognita caufa concessas, ex-
 ceptis illis, quæ in gratiam alicujus fun-
 dationis, vel Universitatis datæ fuerunt.
 Additque: *Insuper non intendimus exem-
 ptionem de cetero facere, nisi caufa cognita,
 & vocatis, quorum interest.* Secundo De-
 creto statuitur de novo discutiendas esse
 coadunationes Beneficiorum ab obitu
 Gregorii XI a summis Pontificibus impe-
 tratas. Tertium respicit fructus Eccle-
 siarum vacantium, quos Papæ, aut Ca-
 meræ Apostolicæ applicari prohibet.
 Quartum, simoniam in Electionibus, Or-
 dinationibus, postulationibus, & Colla-
 tionibus admissam proscriptit. Quintum,
 dispensationes, aut permissiones possiden-
 di beneficia, quibus S. Ordo annexus est,
 absque ipsius Ordinis receptione revocat.
 Sextum disponit, ne imponantur Eccle-
 siis,

fiis, vel Ecclesiasticis decimæ, vel alia ^{Sæcul. XV.} onera, nisi gravis caufsa utilitatem uni-^{A. C. 1418.} versalis Ecclesiæ concernens urgeret, & consensus Cardinalium, necnon Prælato-
rum loci accederet. Septimum innovat
Canones de vita & honestate Clericorum.
Octavum sequentis tenoris est: *Decla-
ramus sacro approbante Concilio, per de-
creta tam lecta in præsenti Sessione, quam
per concordata cum singulis Nationibus, &
quæ in nostra Cancellaria poni & literas in
forma publica sub sigillo Vicecancellarii con-
fici volumus, super articulis contentis in de-
creto super reformatione fienda, die Sabbati
trigesima mensis Octobris Anno Domini mil-
lesimo quadringentesimo decimo septimo pro-
mulgata, fuisse & esse satisfactum. Hoc
modo reformatio Cardinalium, & Cu-
riæ Romanæ a Concilio petita, elusa vi-
detur. Sex enim duntaxat ex octode-
cim articulis in decreto trigesima Octo-
bris Anno millesimo quadringentesimo
decimo septimo præfixis, in hac ultima
sessione definiti leguntur.*

§. CXXIII.

Venetorum ac Genuensium Legati ad Concilium.

Feria secunda post Pascha Venetiarum, *Ibid. p. 1543.*
ac Genuæ Legati ad componenda
quædam cum Imperatore dissidia Con-
stan-